



Vanessa Lynch, koördineerder van die DNA Project SA. Sy het die organisasie begin nadat haar pa doodgeskiet is en die polisie alle forense bewyse weggegooi of vernietig het. | FOTO: NASIEF MANIE

DNS is 'die beste geweer'

Moord op pa spoor vrou in stryd aan

JOHAN EYBERS IN JOHANNESBURG
jeybers@rapport.co.za

Agt jaar gelede is Vanessa Lynch (43) se lewe tot stilstand geruk toe haar pa in sy huis in Sandton vermoor is.

Sy kon dié sinlose aanval en moord op haar pa skaars verwerk toe Vanessa nog 'n skop in die maag kry: Die moordenaars kom skotvry daarvan af omdat daar geen manier is om hulle met haar pa se moord te verbind nie.

Die rede? Weens gruwelike onkunde en onbevoegdheid by die polisie is al die forense bewyse weggegooi of vernietig wat die moordenaars se DNS bevat het.

Dit was die pyn en frustrasie van hierdie hopelose situasie wat Lynch gedryf het om haar loopbaan as 'n prokureur te beëindig en 'n organisasie sonder winsbejag, DNA Project SA, te begin.

In die projek se kinderskoene het hy meestal laboratoriums gehelp om hul agterstand met forense toetse in te haal.

Die polisie het intussen twee van die gevorderdste forense laboratoriums ter wêreld in Pretoria en Kaapstad ingerig en is nou besig om 800 forense deskundiges aan te

In hul bloed

Die DNA Project SA het die afgelope drie jaar meer as 18 000 wetstoepassers soos die metropoli en private veiligheidswerkers opgelei oor die prosedures wat gevolg moet word om genetiese materiaal en nog bewyse op 'n misdad toneel te beveilig.

Die organisasie het 'n DNS-kursus saamgestel wat ontwikkel is tot 'n volwaardige honneursgraad in forense wetenskap. Dit word gratis aan vier universiteite aangebied met behulp van finansiering deur die DNA Project.

Asst.komm. Adeline Shezi sê die polisie steun die beginsel van 'n DNS-databasis en hulle beskou dit as 'n uitstekende manier om misdad te bekamp. "Daar is wel sensitiwiteit politieke en menseregtekwessies hier ter sprake," sê sy.

stel om dié laboratoriums te beman, sê asst.komm. Adeline Shezi van die polisie se forense afdeling.

DNA Project SA se span van tien mense fokus nou op opleiding en om as 'n drukgroep op te tree vir 'n nasionale DNS-databasis, wat die

polisie sal verplig om DNS-monsters van alle verdagtes en veroordeeldes veilig te bêre.

"Die DNS-databasis is die beste wapen wat daar is teen misdadigers," vertel Lynch.

"Wanneer die databasis op dreef is, sal dit die polisie in staat stel om DNS-monsters wat op misdad toneel geneem word met die DNS-profiel op die databasis te vergelyk.

"Dit maak dit ontsettend maklik om misdadigers met 'n misdaad te verbind en die oortreders te vervolg omdat dit 'n onfeilbare bewys is dat iemand op 'n misdad toneel was."

In lande waar dit reeds gebruik word, het dit 'n baie positiewe uitwerking op misdadbekamping gehad, sê sy.

"Dit dien as 'n afskrikmiddel vir misdadigers. En oortreders word gevang voordat hulle geharde misdadigers word."

Volgens Lynch is dit vreemd dat Suid-Afrika nou die gevorderdste tegnologie het om DNS te kan ontleed, terwyl wetgewing nog ontbreek om dit doeltreffend te kan gebruik.

Haar voorstelle is vervat in konsepwetgewing wat gereed is om gepubliseer te word vir openbare kommentaar. Na verwagting sal dit in Februarie gebeur ná die opening van die parlement.